



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-716/10  
Sarajevo, 29.3.2010. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 30.03.2010			
Organizaciona jedinica	Klasifikacioni oznaka	Tip dokumenta	Broj prijema
02-50-1-16-40/09			

**PARLAMENTARNA SKUPŠTINA**  
**BOSNE I HERCEGOVINE**

*- Dom naroda-*

**SARAJEVO**

**PREDMET:** Odgovor na izaslaničko pitanje – dostavlja se

Vijeće ministara Bosne i Hercegovine, na 117. sjednici održanoj 25.3.2010. godine, utvrdilo je Odgovor na izaslaničko pitanje koje je postavio gosp. Drago Ljubičić, izaslanik u Domu naroda Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite izaslaniku.

S poštovanjem,



**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-716/10  
Sarajevo, 25.3.2010. godine

**DRAGO LJUBIČIĆ**, delegat u Domu naroda Parlamentarne skupštine Bosne i Hercegovine, na 40.sjednici Doma naroda održanoj 30.12.2009.godine, postavio je sljedeće delegatsko pitanje:

„Vezano za informacije koje su prenijeli mediji o mudžahedinima u selu Gornja Maoča da provode vježbu gađanja bojevom municijom iz vojnog naoružanja, postavljam pitanje:

1. Da li je Ministarstvo bezbjednosti BiH imalo informaciju o prisutnosti – postojanju mudžahedina u selu Gornja Maoča i njihovim aktivnostima opasnim po opštu bezbjednost stanovništva i države i šta su preduzimali po tom pitanju?
2. Ako nisu znali za njihovo prisustvo – postojanje u selu Gornja Maoča šta je ministarstvo bezbjednosti BiH preduzelo i uradilo poslije informacija koje su prenijeli mediji o mudžahedinima u selu Gornja Maoča i njihovim aktivnostima.“

**OBRAZLOŽENJE delegata Drage Ljubičića**

„Poznato je svima da su mudžahedini na prostor BiH došli u toku ratnog sukoba u BiH.

U Dejtonskom mirovnom sporazumu u Aneksu 1-A, članom III u poglavlju 1 utvrđeno je da se sve snage koje nisu lokalnog porijekla moraju povući sa prostora BiH u roku od trideset dana od dana potpisivanja mirovnog sporazuma, a u poglavlju 2 istog člana jasno stoji: „i naročito sve strane snage, uključujući tu pojedinačne savjetnike, borce za slobodu, instruktore, dobrovoljce, osoblje iz susjednih i drugih zemalja, povući će se sa teritorije BiH u skladu sa članom III poglavlja 1 Aneksa 1-A.“

Loša poruka za BiH je da nakon četrnaest godina od potpisivanja Dejtonskog mirovnog sporazuma govorimo o mudžahedinima u BiH, koji predstavljaju prijetnju cijelom svijetu, iako smo imali nekoliko upozorenja iz OBA-e i SIPA-e da se radi o osobama opasnim za bezbjednost naše države.

**Posebno pitanje je neprovođenje Dejtonskog sporazuma u jednom vrlo važnom Aneksu koji se odnosi na strane naoružane osobe-formacije što samo po sebi govori da nadležne institucije u BiH iz ove oblasti nisu osposobljene ili ne žele da u potpunosti provedu ovaj Aneks Dejtonskog mirovnog sporazuma.**

**Sljedeće – prisustvo mudžahedina na prostorima BiH, a posebno ako sprovedu aktivnosti spomenute vrste (pretpostaviti je da to rade i sa dijelom lokalnog stanovništva) su direktna prijetnja bezbjednosti stanovništva i države, direktna su kočnica liberalizaciji viznog režima za građane BiH i procesu evropskih integracija.“**

S obzirom da se selo Gornja Maoča nalazi na teritoriji Federacije BiH i da je Federalno ministarstvo unutrašnjih poslova nadležno za stanje sigurnosti na tom području, dostavljamo Vam odgovor ovog Ministarstva, kojeg u cijelosti prenosimo.

Na postavljeno pitanje, Vijeće ministara Bosne i Hercegovine je na ~~117~~ sjednici održanoj 25.3.2010. godine, utvrdilo sljedeći

## O D G O V O R

Obavještavamo Vas da je Federalna uprava policije Federalnog ministarstva unutrašnjih poslova već duži vremenski period pratila bezbjedonosnu problematiku na području Gornje Maoče općina Srebrenik (od 2002. godine), a u vezi sa „Vehabijskom zajednicom“ koja je locirana na tom području i licima sa radikalnim i ekstremističkim stavovima i ponašanjem. U posljednjih mjesec dana, po naredbama Suda BiH broj X-KRN-10/867 od 5. i 20.01.2010.godine, koja se odnosi na pretres kuća i drugih prostorija Nusreta Imamovića i dr., Federalna uprava policije Federalnog ministarstva unutrašnjih poslova je intenzivirala aktivnosti vezano za sprovođenje predmetnih naredbi, što je 02.02.2010. godine rezultiralo pretresima i lišavanjima slobode više lica na području Gornje Maoče. Tom prilikom lišeni su slobode: Nusret Imamović, vođa „Vehabijske zajednice“ u Gornjoj Maoči i još 6 lica. Takođe je izuzeto i više komada raznih vrsta oružja i drugih predmeta (dokumentacije, računara, optičkih medija, novčanih sredstava i dr.), koji će biti predmet analize u narednom periodu. Lica lišena slobode su 03.02.2010. godine predata Tužilaštvu BiH, zajedno sa oduzetim predmetima, uz Izvještaj o počinjenim krivičnim djelima:

- Organizovani kriminal iz člana 250. stav 2. i 3. KZ BiH u vezi sa krivičnim djelima Napad na ustavni poredak iz člana 156. KZ BiH,
- Ugrožavanje teritorijalne cjeline iz člana 157. KZBiH
- Izazivanje narodnosne, rasne i vjerske mržnje, razdora i netrpeljivosti iz člana 163. KZ FBiH,
- Sprječavanje povratka izbjeglica i raseljenih lica iz člana 146. KZ BiH,
- Samovlašće iz člana 370. KZ BiH,
- Povreda slobode opredjeljenja birača iz člana 151. KZ BiH,
- Učestvovanje u grupi koja spriječi službenu osobu u vršenju službene radnje iz člana 360. KZ FBiH,
- Nedoovoljeno držanje oružja ili eksplozivnih materija iz člana 371. KZ FBiH,
- Ometanje rada pravosuđa iz člana 241. stav 2. KZ BiH.

Takođe Vas obaviještavamo da je Predstavnički dom Parlamentarne skupštine Bosne i Hercegovine u nastavku 71. sjednice ovog doma održane 10.02.2010. godine, donio **Zaključak** koji se odnosi na pripremu **Informacije o akciji „Svjetlost“** izvedenoj 02.02.2010. godine. **S tim u vezi, zaduženo je Vijeće ministara BiH, s posebnim akcentom na nadležnosti Ministarstva sigurnosti da u što kraćem roku i u saradnji sa Ministarstvom pravde, Ministarstvom za ljudska prava i izbjeglice i Ministarstvom vanjskih poslova, realizira navedeni zaključak.**